

萬有文庫

第二集七百種

王雲五主編

植物名實圖考

附植物名實圖考長編

(五)

吳其濬著

商務印書館發行

植物名實圖考

附植物名實圖考長編

(一)

吳其濬著

國立學本叢書

植物名實圖考卷之二十四

固始吳其濬著

蒙自陸應穀校刊

毒草

大黃

狼毒

藜蘆

藺茹

乳漿草

雲實

搜山虎

天南星

半夏

蚤休

商陸

狼牙

常山

大戟

澤漆

羊躑躅

附子

由跋

甘遂

鬼臼

射干

鳶尾

茵芋

金腰帶

葇花

莽草

滇鈎吻

白花射干

石龍芮

芫花

牛扁

葇蓉

鈎吻

大黃

大黃本經下品別錄謂之將軍今以產四川者良

西南西北諸國皆恃此爲盪滌要藥市販甚廣北地亦

多有之春時佩之以辟時疫

零襄農曰燕薊地苦寒人湊理密而內實冬冽輒吸燒

酒圍煖爐與風雪鬥勝春氣萌動亢燥不雨陽伏而不

能出陰通而不能疹於是乎有昏狂鬱塞之病醫者以

法解之強者病不損弱者或以亡陽有予以攻滌者內

熱下而神明生或起生死於頃刻其處方者不知其所

大黃



以然凡爲疔爲癰爲鬱爲伏熱爲飲食之毒爲浮游之火一切以大黃爲秘妙丹藥病者不卽登鬼錄十失一十失二三四方詡詡然自命爲良其不知醫者亦爭以時醫奉之卒之技窮術竭刺人而殺人不咎其醫之無本咸以爲時命之不可假易也故諺曰趁我十年運有病早來醫昔錢景謨與王安石論新法不合遂相絕有答人書云安石穿鑿不經牽合臆說作爲字解謂之時學又以荒唐怪誕非昔是今無所統紀謂之時文傾險趨利殘民無恥謂之時官驅天下之人務時學以時文

商陸

商陸本經下品爾雅蕤蕤馬尾注廣雅曰馬尾蕤

邀時官然則時醫者其時學時官之類乎嗚呼時乎泰而君子進時乎否而小人興時之爲義大矣哉朝時而市時也日中而市時也夕時而市亦時也不召自來不應自去市盈而盈市虛而虛孰令令之執禁禁之盈而不盈虛而不虛知進退存亡而不失其正者其誰乎吾願世之有疾病者忍痛藏垢以待良醫探囊一試黃昏湯而不汲汲焉捐其軀以聽時醫生之死之於攻伐之劑而卒不悟其所以然其可謂知時而不隨時者歟

陸或曰易莧陸也今處處有之有紅花白花兩種結實大如豆而扁有稜生紅熟黑江南卑濕易患水腫俚醫多種之以爲療水貼腫要藥其數十年者根圍尺餘長三四尺堅如木習邪術者刻爲人形以驅鬼小說家多載之救荒本草謂之章柳子根苗莖並可蒸食云 按商陸初生莖肥嫩葉攢密秋開花結實粒小宿根莖硬葉稀春花夏實秋時已枯江西上高謂之香母豆云婦

商陸一



人食之宜子蓋難憑信

雲婁農曰此草非難識者通志乃並菑及商薺登茅而爲一物菑卽旋花蒴藋藜類蔓茅菑華之赤者以意併合乃至難樛毛晉以蓬蕩之名謂卽詩言采其蓬前人亦無及者遂爲羊蹄圖經述之如繪毛謂不甚合何也子夏易傳木根草莖體物盡致而或者又以千歲穀當之則但見其葉相似耳本經置之下品其仙人作脯之說可謂杳冥誰則見之救荒本草雖云可食亦爲本草

商陸二



狼毒

狼毒本經下品形狀詳宋圖經今俗以紫莖南星

所拘鄉人皆知其有毒土醫以治水蠱有隨手見效者其峻利可知方書中久爲禁藥其子老則色黑如豆婦人服之宜子此與芫苢宜子之說相類南方卑濕俚婦力作水田中其受濕深矣去濕則脾健故能宜子若以爲祈子靈丹則悖甚古讚曰其味酸辛其形類人療水貼腫其效如神按夜呼之名殆假托鬼神之隱語毛晉據荆楚歲時記三月三日杜鵑初鳴盡夜口赤上天乞恩至草陸子熟乃止以爲草陸子未熟以前爲杜鵑鳴之候故稱夜呼亦務爲博奧

根充之抱朴子狼毒合野葛納耳中治聾王羲之有求
狼毒帖豈亦取其能治耳聾如天鼠膏耶

雲婁農曰本草書於狼毒皆不甚晰方家亦憚用之滇
南有土瓜狼毒以其根大如土瓜故名按形與圖經頗
肖又有雞腸狼毒性同滇本草亦云猛勇之性真虎狼
也兵法曰猛如虎狠如羊貪如狼強不可使者皆勿遣
不然病弱而劑強是以狼牧羊也又不然則秦虎狼之
國也楚懷王入關不返矣將若何

狼毒



狼牙

狼牙本經下品詳吳普本草及蜀本草


狼牙



藜蘆

藜蘆本經下品宋圖經云葉如初生櫻莖似葱白
有黑皮裹之如櫻皮其花肉紅色有山生溪生二種溪

藜蘆



生者不入藥均州謂之鹿葱此藥吐人方家禁用而滇醫蓄之其根白膜層層俗亦呼爲千張紙有瘋痰症則煮食之使盡吐其痰若虛症者殆哉岌岌矣

零婁農曰藜蘆吐藥吐法醫者不復輕用此藥遂無識者余至滇見有市此藥者始識之李時珍紀一婦人瘋癩數十年以饑歲採草若葱狀飽食吐涎三日而病去此草大致如葱而圖經乃云又似車前按圖而索不大誤耶世之患痰癩者多矣姑息而予以清解之劑甚或謂補其不足則體健而痰自消卒之胸滿氣塞奄奄無知以沒又或狂發殺人豈其病終不可醫抑醫者之養之以貽患耶古昔盜賊之發有識者絕其奔竄窮其巢穴擒渠矜脅無俾遺種此卽藜蘆傾吐之法故病一去而無傷若不量賊強弱防賊奔突輕奇單兵姑與嘗試一遇挫衄賊勢益熾藥不勝病杯水車薪之喻矣宋襄公曰君子不重傷不禽二毛子魚謂之不知戰遵養時賊姑息者後將噬臍耳其有臨敵而誦孝經者不猶治

瘋而用滋劑乎至楊武陵以招撫之策縱已禽之寇發狂殺人非醫者之罪而誰罪不知病而醫曰譬如病而不知藥曰庸知病知藥不卽力除輒曰吾縱之吾能收之則曰狂以狂醫治狂疾則狂與治狂者皆殺人而已

常山 常山本經下品苗曰蜀漆宋圖經有茗葉楸葉二種皆爲治瘡之要藥今但醫所用乃有數種俱以治瘡殊未敢信以入草藥



常山

毒草卷之一十四 常山 蘭茹 大戟 乳漿草

或侮以邪與祟於是有寒熱往來之疾而賣藥逐利之徒乃爭言截瘧方矣醫者之言曰瘧生於痰常山能却痰然必察其受病之源而引以入經之佐使乃有效今土常山以十數既非本經真品即真矣而第恃此以圖勝譬如飛將行沙漠中迷惑失道果能與敵遇乎夫搏牛之蝱不可以破蟻蝨富厚之家非鬼非食惑以喪志陰陽失和寒熱迭至若誤診爲店投以悍藥是以空虛柔脆之府臨以披甲執銳之兵牛雖瘠債於豚上其畏不死故常山僞者宜慎真者尤宜慎古之用君子者必辨真僞若小人則唯防微杜漸勿輕試而已

蘭茹 蘭茹本經下品根長如蘿蔔蔓菁葉如大戟滇南



蘭茹

呼土瓜狼毒卽李時珍謂今人往往誤以其根爲狼毒者也

大戟 大戟本經下品爾雅蕎苳鉅注今藥草大戟也救荒本草承舊說以澤漆爲大戟苗葉可燥熟亦可曬乾爲茶其味苦回甘



大戟

乳漿草 附 乳漿草江湘山塘間多有之以莖有白汁故名土醫以治乳癰按大戟有紫綿數種此其類也

乳漿草



澤漆 澤漆本經下品相承以爲大戟苗李時珍訂以爲
即貓兒眼睛草今處處有之北地謂之打碗科只取一
種煎熬爲膏傳無名腫毒極效

雲婁農曰澤漆大戟漢以來皆以爲一物李時珍據土
宿本草以爲即貓兒眼睛草此草於端午熬膏敷百疾
皆效非碌碌無短長者諺曰誤食貓眼活不能晚殊不
然然亦無入飲劑者觀其花葉俱綠不處污穢生先衆

澤漆




草收其來牟雖賦性非純而飾貌殊雅夫伯趙以知時
而司至桑扈以驅雀而正農非美鳥也迎貓爲其食田
鼠迎虎爲其食田豕非仁獸也有益於民則紀之耳聖
人論人之功無貶詞論人之過無恕詞於其所不知蓋
闕如也

雲實 雲實本經下品江西湖南山坡極多俗呼水阜角
本草綱目所述形狀甚晰陶隱居云子細如葶藶子而
小黑不知是何草

雲婁農曰雲實實甚惡而花艷如金氣近烈猥獮以爲

雲實



香草摘而售之闔閭雲茶插髻滿頭明斬學顏撫莽草而狎之知其毒委諸壑以不厚誅爲悔如滇之同車者可謂玩虺蜴而昵蜂螫矣戶服艾以盈要養菴施以盈室流俗無知誠無足怪夫紫宮雙飛無色何以爲悅迷樓諸客無才何以取容臭味相投情志斯惑美先盡矣蠱卽生之毒在手而脫腕瘡在身而炷腐自非壯士烏能絕決哉

羊躑躅 羊躑躅本經下品南北通呼鬧羊花湖南謂之老虎花俚醫謂之搜山虎種蔬者漬其花以殺蟲又

羊躑躅



有一種大藥者附後

搜山虎附

搜山虎卽羊躑躅一名老虎花古方多用今

湯頭中無之具詳本草綱目 按羅思舉草藥圖搜山虎春日發黃花青葉能治跌打損傷內傷要藥重者一錢半輕者一錢不可多用霜後葉落但存枯根湖南俚醫以爲發表入陽明經之藥是此藥俗方中仍用之中州呼鬧羊花取其花研末水浸殺菜蔬蟲老圃多蓄之其葉稍瘦產長沙者葉闊厚不似桃葉花罷結實有棱

附子


附子本經下品有烏頭烏喙天雄側子漏蘆子諸

名詳本草綱目所引附子記今時所用皆種生者南人製爲溫補要藥其野生者爲射罔製爲膏以淬箭所中立斃俗謂見血封喉得油則解製膏者見油則不成其花色碧殊嬌織名鴛鴦菊花鏡謂之雙鸞菊朵頭如比邱帽帽拆內露雙鸞並首形似無二外分二翼一尾凡花詭異者多有甚美甚惡物亦有然

琴裏農曰楊天惠著附子記甚詳且謂盡信書則不如



搜山虎



附子


無書目親手記蓋實錄矣但古人所用皆野生川中所產皆種生野生者得天全種生者假人力栽培滋灌久之與果蔬同性移而形亦變矣泮林桑黠鴉鳥革音禿髮之後爲劉拓跋之後爲元唐之蕃將多賜姓李謂重瞳之苗裔皆重瞳豈有是哉土沃者花重地瘠者根瘦東人不信西方有容狐之瓜北人不信南粵有扛輿之蒿然謂天下之瓜皆可容狐天下之蒿皆可扛輿則著述者實誑汝矣近時山居泉寒餌附子以兩計其毒箭

以射禽者則取野生射罔用之大者無毒而小者毒烈是豈物之本性哉黃山谷嘗畫大壺盧人問之則曰有背大壺盧者賣其子種之仍小壺盧不知種大壺盧自有法非別種也附子一物而有天雄烏頭側子漏蘆諸形則肥磽雨露人事不同所致歟彼一歲二歲三歲之說其亦未可盡廢也

天南星

天南星本經下品昔人皆以南星蕝頭往往誤采不可不辨江西荒阜廢圃率多南星湖南長沙產

天南星一



南星俗呼蛇芋衡山產蕝頭俗呼磨芋亦曰鬼芋滇南圖中蕝頭林立南星絕少藥肆所用皆由跋也由跋自是一種唐本草謂南星是由跋宿根所生驗之亦殊不然而南星與蕝頭根雖類莖葉花實絕不相同半夏由跋花似南星而皆三葉由跋又有六七葉者俗皆呼小南星但南星生葉亦有兩種一種葉抱如環一種周圍生葉長如芍藥開花有如海芋者即圖經所云花似蛇

天南星二




天南星三



頭黃色一種開花有長梢寸餘結實作紅藍色大如石

天南星四



榴子又似玉蜀黍形而梢微齊明王佐詩君看天南星
處處入本草夫何生海南而能濟饑飽蓋誤以莖頭爲
南星也

天南星

卽虎掌

天南星本經下品江西湖廣山坡廢圃

多有之俗呼蛇芋與蒟蒻相類惟葉初生相抱如環開
花頂上有長梢寸餘爲異不僅以莖之有斑無斑可辨
由跋 由跋本經下品蜀本草一莖八九葉最晰俗皆呼
小南星別是一種非南星之新根也陳藏器所述不誤



由跋

半夏

半夏本經下品所在皆有長葉圓葉二種同生一處夏亦開花如南星而小其梢上翹似蝎尾固始呼爲蝎子草凡蝎螫以根傳之能止痛錢相公篋中方亦載之諸家本草俱未及此本草會編謂俗以半夏性燥多以貝母代之不知痰火上攻昏潰口噤自非半夏南星曷可治乎半夏一莖三葉諸書無異詞而原圖一莖一葉前尖後歧乃似茨姑葉余曾遣人繪川貝母圖正與此合豈互相舛誤耶抑俗方只此一物而兩用耶二者皆與圖說不相應非書不備則別一物

夏中一



半夏二

甘遂

零婁農曰半夏處處有之乃以鵲山爲佳余讀孔平仲詩而啞然也藥物雖已法製非棗栗之覓可比何至據攪代攘辛螫啼噪耶其末云老兄好服食似此亦可防急難我輩事感惕成此章始知婉言以諷非眞實耳昔人好食竹雞尙能中毒况服半夏過度豈不爲害

甘遂本經下品宋圖經云苗似大戟莖短小而有汁根皮赤肉白作連珠又一種草甘遂卽蚤休也俗多呼爲

莞花山西交城產者黃紅花根甚細

零婁農曰方以類聚物以羣分君子小人不並立固矣

然唐虞命百工而投四凶以禦魍魎神農嘗百草而收
毒藥以除痼疾凡物之生有粹有駁荀子云粹而王駁
而霸天不能有粹而無駁世不能有王而無霸醫者用
毒草也曰以毒攻毒聖人之用惡人也亦曰以惡攻惡

甘草



而已惡人者能生灾患者也而古之禦灾捍患者亦多
出於惡人惡人竭其力以去惡惡去而惡人之狼傲強
固之氣亦潛消於無形而後賢人君子得以從容敷治
而無所難緩契臯夔處於廟堂而四裔之獸蹄鳥跡雖

窮奇渾敦亦有勞焉參苓朮草用以滋培而無名之癰
疽毒腫雖烏頭鉤吻亦著效焉願惡人得其用而世治
惡人不能得其用則大亂生公孫述不遇新室漢之良
吏也曹瞞不丁炎季漢之能臣也石勒自謂逢漢高祖
當北面臣之吾嘗謂聖賢能用惡人必不肯輕言去惡
人若欲去惡人則必假惡人之手而後可石守道作聖
德詩范公拊股謂韓公曰爲此怪鬼輩壞了韓公曰天
下事不可如此如此必壞韓范皆能用惡人者也惡人
希其用則將自奮其所長石守道但知去惡人者也惡
人畏其去則將大肆其所短黨錮東林亦石守道之褊
見耳醫者以甘遂甘草並用以去留飲腳氣腫毒皆有
奇效釋之者云二物相反而立成功夫既相反矣何成
功之有共工驩兜與岳牧同官堯舜能治天下乎良醫
之用甘遂也逐其病也其用甘草也化其病也故甘遂
敷於外而甘草服於內此貽彭斬寧於邊陲而蕭張夔
和於廷陛也貽彭蕭張各用其長豈云相反哉嗚呼以

毒草卷之二十四 蚤休 鬼臼

善人而去惡人其力常不能敵唯以惡去惡而以善人繼其後此世之所以治也以惡去惡而仍以惡人繼其後此世之所以亂也隗囂更始皆有除莽賊之功而建武中興遂致承平董卓郭傜亦有去漢賊之力而當塗接踵卒覆劉祚觀於兩漢之興亡非前轍哉世之醫者專於攻擊與專於調和者熟觀古今亦可徵會矣善乎王彥霖之言曰君子在內小人在外爲泰小人在內君子在外爲否君子小人競進則危亂之機也明乎此則傾險忠良無調停參用之說溫補寒瀉無和同並進之理

蚤休 蚤休本經下品江西湖南山中多有人家亦種之

通呼爲草河車亦曰七葉一枝花爲外科要藥滇南謂之重樓一技箭以其根老橫紋粗皺如蟲形乃作蟲蓐字亦有一層六葉者花僅數縷不甚可觀名逾其實子色殷紅滇南土醫云味性大苦大寒入足太陰治濕熱瘡瘡下痢與本草書微異滇多瘡當是習用藥也

蚤休



鬼臼

鬼臼本經下品江西湖南山中多有人家亦種之


通呼爲獨腳蓮其葉有角不圓或曰八角蓮高至四五尺就莖開花紅紫嬌嫩下垂成簇外科蓄之鄭漁仲謂葉如荷葉形如鳥掌年長一莖莖枯則爲一臼亦名八角盤其形容極確原圖仍爲鬼燈檠宜山谷詩注之斥排也但此物辟穀未見他說子瞻以詩記璠田芝山谷亦有璠芝仙詩云但告渠是唐婆鏡與本經有毒別錄不入湯者異矣下死胎治射工中人其力猛峻可知此

草生深山中北人見者甚少江西雖植之圃中爲玩大者不易得余於途中適遇山民擔以入市花葉高大遂

亟圖之

此草一莖一葉李時珍云一莖七葉或別一種余未之見

鬼白



射干

射干本經下品蜀本草花黃實黑者是陳藏器謂

秋生紅花赤點按此草北地謂之馬蠅花江南亦多六月開花形狀如蜀本草拾遺以其點赤誤認爲紅花耳其根如竹而扁俗亦呼扁竹

零襄農曰荀子云西方有木焉名曰射干莖長四寸生

於高山之上而臨百仞之淵其莖非能長也所立者然

也嗚呼以彼徑寸莖蔭此百尺條此之謂矣不材之木

托根得地斧斤瘡痍之不及陰陽雨露之所偏而琪花

玉樹或蕪沒於叢莽而無人知吾烏知其所以然哉乃

長言以諄之曰橘青曾之淑朗兮謂誕育其必公何陽

材屯於顛窵兮陰敷荼毒而蒙茸櫟連蜷以依社兮五

柞何爲而冠乎離宮門驕驕其忽有莠兮屋沉沉而薺

乎瓦松蒼華施柏而旖旎兮葛藟纍纍以隆崇冒老楮

其不可宥兮蕭斧乃獨赦夫橙榕鴉既據夫泮之沃若

兮鼠又室乎堂之美樅掩菌桂而穴蕭艾兮吾烏知煇

媒之所從追虞舜於大麓兮別風淮雨而不蒙神刊隨

而底績兮純榦栝栢惟喬乎雲中醴懼秕莠於有夏兮

景山九丸斲斷而奏功柞械佩於昆夷兮櫨化梓而姬

隆胤無道而兀蜀山兮靈阿怒而捐五大夫之封武囿

四海於上林兮柏梁災而更營車蓋雄夫白水兮氣佳

哉而鬱葱蔥杉葉御魑而抵洛陽兮閱萬里而排九重